

Aningaasarsianik malunnarunnaarsaasarneq pillugu inatsimmik,
aningaasalersuineq pillugu inatsimmik aamma inatsisinik
assigiinngitsunik allanik allanngueq pillugu inatsimmi § 1-imik
Kalaallit Nunaannut atuutilersitsineq pillugu peqqussut
(peqquserlunnikkut aningaasalersuineranut akiuniarnermik sukaterineq aamma
aningaarsianik malunnarunnaarsaasarneq pillugu malitassiat sisamaata (4.)
aamma tallimaata (5.) naammassineqarnerat)

UAGUT MARGRETHEP AAPPAAT, Guutip saammaassineratigut Danmarkip Dronningia,
tamanut ima nalunaarpugut:

Aningaasarsianik malunnarunnaarsaasarneq pillugu inatsimmik, aningaasalersuineq pillugu inatsimmik aamma inatsisinik assigiinngitsunik allanik allanngueq pillugu inatsit nr. 1563, 27. december 2019-imeersoq malillugu, (pinerlunnikkut aningaasalersuineranut akiuniarneq aamma aningaasanik peqquserluutinik malunnarunnaarsaaneq pillugu malitassiat sisamaata aamma tallimaata naammassineqarnerat) makku aalajangersarneqarput:

§ 1

Aningaasarsianik malunnarunnaarsaasarneq aamma peqqarniisaarniarnermut aningaasalersuineq pitsaaliorniarlugit pineqaatissiissutit pillugit inatsimmi (aningaasanik peqquserluutinik malunnarunnaarsaaneq pillugu inatsit), kunngip peqqussutaatigut Kalaallit Nunaannut atuutilersinneqartumi nr. 2627, 29. december 2021-imeersukkut, peqqussut nr. 956, 17. maj 2021-meersukkut allanngortinneqartumi, inatsit nr. 1563, 7. maj 2019-imeersumi § 1 malillugu tulliuttut allanngortinneqarput.

1. § 26, imm. 1, oqaaseqatigiinni siullerni, imm. 2, imm. 3, oqaaseqatigiit aappaanni, imm. 4, oqaaseqatigiinni siullerni aamma aappaanni, aammalu imm. 6, § 28, § 36, imm. 2, oqaaseqatigiinni siullerni, aammalu § 74, imm. 1, oqaaseqatigiinni siullerni, »Immikkut Ittunik Aningaasaqarnermut aamma Nunani tamalaani Pinerlunniarnermut Naalagaaffiup eqqartuussissuserisua« imaalillugu allanngortinneqarpoq: »Aningaasarsianik malunnarunnaarsaasarneq pillugu, Kalaallit Nunaannut Allattoqarfik«.

2. § 17-imi imm. 2-p kingorna immikkoortutut nutaatut ikkunneqarput:

»Imm. 3. Imm. 2-mi eqqaaneqartut iliuusissat saniasigut, suliffeqarfiit aamma inuit, nunanik, nunat peqatigiit avataanniittunut nunanut annertuumik aarlerinaatilittut Europa-Kommission-ip allattugaataanut ilaasunik akuutitaqarlutik inuit imaluunniit inatsisitigut akisussaasuusut (assersuutigalugu suliffeqarfiit, peqatigiiffiit, aningaasaateqarfiit aamma pisortani oqartussaasut il.il.) nuussinermik ingerlatsigaangata, ataatsimik imaluunniit arlalinnik ilassutitut aarlerinaammik killiliissutaasunik sillimaniutinik ingerlataqartassapput. Sillimaniutit tamakku tulliuttut ataatsit imaluunniit arlalittut pissuseqartassapput:

- 1) Niueqatigisanut/sullitanut ilisimannilerniarnermut periaatsinut sukaterutitut ilassutaasunik atuineq.
- 2) Attuumassutilinnik sukumiinerusunik nalunaaruteqartarnernut atortunik, imaluunniit aningaasaliissutinik nuussisarnermut nalunaaruteqartarnernut aaqqissuussamik atuutilersitsineq.
- 3) Niueqatigisartakkat amerlassusiinik, imaluunniit, nunat peqatigiit avataanniittut nunat annertuumik aarlerinaatilittut ilisimaneqartunik peqateqarluni, inunnik imaluunniit inatsisitigut akisussaasuusunik (assersuutigalugu suliffeqarfinnik, peqatigiiffinnik, aningaasaateqarfinnik aamma pisortani oqartussaasunik il.il.) nuussueqateqartarnernik ingerlatsisarnermik killiliineq.

Imm. 4. Imm. 3-mi eqqaaneqartut sillimaniutit saniasigut, niueqatigisartakkatut attavigisani imaluunniit nuussinerni, nunat peqatigiit avataanniittunik annertuumik aarlerinaatilittut Europa-Kommission-ip allattugaataani allassimasunik nunanik peqateqarfiusuni, tamanna attuumassuteqartutut nalilerneqarpat, minnerpaamik, inatsimmi matumani aalajangersagaasunut niueqatigisanut/sullitanut ilisimannilerniarnermut periaatsinik assingusunik, niueqatigisanut/sullitanut ilisimannilerniarnermut periaatsit pillugit piumasaqaatinik maleruuaasussaataasumi taarsigassarsisitsisarfinmi sullitap atiani konto-kkut siullermeerluni akiliinerup ingerlanneqartarnissaa, suliffeqarfiit aamma inuit, qulakkeertassavaat.«

Imm. 3 tamatuma kingorna imm. 5-ingussaaq.

3. § 22, imm. 5, oqaaseqatigiini siullerni, »anigaasarsianik malunarraarsaasarneq imaluunniit pinerliiniarnernik anigaasalersuinerumut annertuumik aarlerinaatilittut naliliivigineqartut nunat« imaalillugu allannqortinneqarpoq: »nunat peqatigiit avataanniittut nunat annertuumik aarlerinaatillit«.

4. Kapitali 5-imut qulequtaq ima allanneqarpoq:

»Kapitali 5

Misissuinissamut-, allattuinnissamut-, nalunaaruteqarnissamut-, paasissutissiinnissamut- aamma toqqorsimatitsinissamut pisussaaffik«.

5. § 26-ip kingorna ikkunneqarpoq:

»§ 26 a. Eqqartuussissuserisoqatigiinnut (Advokatsamfundet-imut) allattoqarfik, tulliuuttunik pillugit paasissutissanik imaqartartussamik, ukiumoortumik nalunaarusiamik tamanut saqqummiussisassaaq:

1) Inatsimmik matuminnga unioqquitsinerusinnaasut pillugit nalunaarutit tiguneqarsimasut amerlassusaat.

2) § 26, imm. 2 malillugu kalerriutit tigusimasat amerlassusaat, aamma Eqqartuussissuserisoqatigiinnut (Advokatsamfundet-imut) allattoqarfiup Anigaasarsianik malunarraarsaasarneq pillugu Allattoqarfimmut nassiuussimasat kalerriutit taamaattut amerlassusaat.

3) Ulorianaatinik naliliineq aamma ulorianaatinik aqutsineq pillugu kapitali 2, niueqatigisanut/sullitanut ilisimannilerniarnermut periaatsit pillugit kapitali 3 aamma misissuinissamut-, allattuinnissamut-, nalunaaruteqarnissamut-, paasissutissiinnissamut- aamma toqqorsimatitsinissamut pisussaaffik pillugu kapitali 5-i malillugit suliffeqarfiit aamma inuit inatsimmut ilatinneqartut, pisussaaffimminnik eqqortitsinerannik, alaatsinaannissaq siunertaralugu, § 64, imm. 2 malillugu Eqqartuussissuserisut siunnersuisoqatigiivinit (Advokatråd-imit) sillimaniutit iliuusissat aalajangiigaasut imarisaat aamma amerlassusaat.«

6. § 29 ima allanneqarpoq:

»§ 29. Anigaasaliisarnernmik paasiniaasartoqarnermut suleqatigiissitaq tassaavoq Anigaasarsianik malunarraarsaasarneq pillugu Kalaallit Nunaannut Allattoqarfik, Danmarkimi Anigaasarsianik malunarraarsaasarneq pillugu Allattoqarfimmi inissisimasoq. Suleriaatsimini arlaannaannulluunniit attuumassuteqanngilaq aammalu namminersorluni ingerlasuulluni, ima paasillugu, allattoqarfik piginnaasaqarpoq aammalu suliaassani nammineq piumasamisut suliarinissaat aamma namminersuutiginnissaat nammassinnaallugit, imm. 2-mi nassuiarneqartutut paasissutissanik immikkut ittunik misissueqqissaarnissaq, qinnuteqarnissaq aamma ingerlatitseqqinnissaq pillugu aalajangiisnnaassuseqarluni.

Imm. 2. Anigaasarsianik malunarraarsaasarneq pillugu Kalaallit Nunaannut Allattoqarfiup nuna tamakkerlugu qitiusutut suleqatigiissitatut

1) nuussinerit pasinartut aamma pinerlunnernut imaluunniit pinerliiniarnernik anigaasalersuinerumut itinerusumik attuumassuteqartut, anigaasanik peqquserluutininik malunarraarsaasarneq attuumassutillit paasissutissat allat pillugit kalerriutit tigussallugit aamma misissoqqissaassallugit aamma

2) pinerlunnernut imaluunniit pinerliiniarnernik anigaasalersuinerumut itinerusumik attuumassuteqartut, anigaasanik peqquserluutininik malunarraarsaasarneq pillugu pasitsaasaqarnermi, piginnaasaqartunut oqartussaasunut, immikkoortortaqaarfimmut aamma aalajangiisartunut, nammineq misissueqqissaarnermi aamma paasissutissat attuumassuteqartut allat tamaasa, inernerisa ingerlateqqinnissaat,

suliaassarai.

Imm. 3. Oqartussaasut allat suleqatigalugit, anigaasanik peqquserluutininik malunarraarsaasannaanermut ulorianaatinik atuuttunik suussusersinninnissaq, naliliinnissaq, paasinninnissaq aamma killiliisimaarnissaq siunertaralugu, nuna tamakkerlugu anigaasanik peqquserluutininik malunarraarsaasarneq pillugu susassaqaarfimmi ulorianaammik naliliinernik suliaqarnissaq

aammalu nutarsaasarnissaq, aningaasanik peqquserluutininik malunnarunnaarsaasarneq pillugu Kalaallit Nunaannut Allattoqarfiup akisussaaffigaa.

Imm. 4. Aningaasanik peqquserluutininik malunnarunnaarsaasarneq pillugu Kalaallit Nunaannut Allattoqarfiup, aningaasanik peqquserluutininik malunnarunnaarsaasarnermik aamma pinerliiniarnernik pitsaaliuineq, nassaarnissaq aammalu sunniuteqarluartumik akiuinissaq siunertaralugu, suliffeqarfik imaluunniit inuk § 27, imm. 1-miit 3-mut malillugit kalerriisussaatitaanermiit mininneqarsimangippata, inatsimmut matumunnga ilaatinneqartuniit suliffeqarfinniit aamma inunniit, imm. 2-mi nassuiarneqartut allattoqarfiup suliassaanik isumaginninnissamut, paasissutissat pisariaqartut suulluunniit piumasarisinnaavai. Kalaallit Nunaanni Aningaasanik peqquserluutininik malunnarunnaarsaasarneq pillugu Allattoqarfimmiit qinnuteqartoqarneratigut, inatsimmut matumunnga ilaatinneqartut suliffeqarfiit aamma inuit, ingerlaannaq paasissutissat pisariaqartut tamaasa allattoqarfimmut tunniussisassapput. Periaatsimut, Eqqartuussissuserisoqatigiinni ilaasortat paasissutissiisussaatitaanermik naammassinnissinnaanerannut naleqqiullugu, § 26, imm. 2 taamatuttaaq atuuppoq.

Imm. 5. Aningaasarsianik malunnarunnaarsaasarneq pillugu Kalaallit Nunaanni Allattoqarfiup, misissueqqissaartartunut akorngutaanngippat, ilaatillugu unnerluutiginnittoqarsimanersaq pillugu, inaarutaasumik aalajangiisoqarsimanersaq pillugu imaluunniit suliaq toqqorallarneqarnersaq pillugu, suliffeqarfik, inuk imaluunniit oqartussaasoq kalerriissuteqartuusoq, § 26, imm. 1, imaluunniit § 28 malillugu, kalerriuteqarsimasaq, suliame killiffiusaq pillugu nalunaarummik tunisinnaavaa.

Imm. 6. Imm. 5-imi eqqaaneqartut nalunaarutit tiguneqarsimasut, susassaqaanngitsunut ingerlateqqeqqusaanngillat.«

7. § 29-ip kingorna ikkunneqarpoq:

»§ 29 a. Aningaasarsianik malunnarunnaarsaasarneq pillugu Kalaallit Nunaanni Allattoqarfik, EU-mi nunap ilaasortaasup aningaasaliisarnernut paasiniaasartuinut paasissutissanik ingerlatitseqqiinnermut atatillugu, paasissutissanik pineqartunik atuinnermut killilersuutininik aamma piumasaqaatinik aalajangersaasinnaavoq.

Imm. 2. Aningaasarsianik malunnarunnaarsaasarneq pillugu Kalaallit Nunaanni Allattoqarfiup, itinerusumik attuumassuteqartup pinerlunnerup suunera apeqqutaatinnagu, Aningaasarsianik malunnarunnaarsaasarneq pillugu Kalaallit Nunaanni Allattoqarfimmiit tigusimasaa aningaasaliisarnermik paasiniaasartoqatigiit pineqartut, piginnaasaqartunut oqartussaasunut, immikkoortortaqaarfimmut aamma aalajangiisartunut paasissutissanik ingerlatitseqqissinnaaneranut akuersissut pillugu EU-mi nunap ilaasortaasup aningaasaliisarnernut paasiniaasartoqatigiiviniit qinnuteqaat ingerlaannaq akissavaa sapinngisarlu tamaat suleqataaffigissallugu. Ingerlatitseqqiinnissamut siunertaasoq, § 29, imm. 2-mi nassuiaatigineqartut, suliassanik isumaginninnissamut avaqqutsinnngippat, imaluunniit aalajangersimasunik peqquteqarpat isumaqassalluni ingerlatitseqqiineq pitsaaliuinnermut, qulaajaanermut, imaluunniit iliutsinik pillagaassutaasartunik misissueqqissaarnermut, imaluunniit pineqaatissiisutininik naammassinninnissamut, piuminaallisaataassappat allatulluunniit qallunaat eqqartuussisaasianni najoqqutassianut tunngaviusumik naapertuutinnngitsoqartussaappat, Aningaasarsianik malunnarunnaarsaasarneq pillugu Kalaallit Nunaanni Allattoqarfiup tamatumunnga atatillugu qinnuteqaatip taama ittuq suleqataaffiginissaa itigartitsissutigeqqusaanngilaa.

Imm. 3. Imm. 2 malillugu qinnuteqaammik itigartitsineq, erseqqissumik tunngavilersorneqassaaq.

Imm. 4. Aningaasarsianik malunnarunnaarsaasarneq pillugu Kalaallit Nunaanni Allattoqarfiup, EU-mi naalagaaffimmiit ilaasortaasup aningasaliisarnermik paasiniaasartoqatigiiviniit allattoqarfiup tigusaanik paasissutissanik atuinnissamut killilersuutit aamma piumasaqaatit aalajangersagaasimasinnaasut eqqortissavai. Taamaalilluni Aningaasarsianik malunnarunnaarsaasarneq pillugu Allattoqarfik, paasissutissanik aallernernut imaluunniit tunniussinernut siunertanut, paasissutissanik taamaattunik taamaallaat atuisinnaavoq. Aningaasarsianik malunnarunnaarsaasarneq pillugu Kalaallit Nunaanni Allattoqarfiup, oqartussaasunut, immikkoortortaqaarfimmut imaluunniit aalajangiisartunut piginnaasaqartunut paasissutissanik taamaattunik ingerlatitseqqiisinnaanera, imaluunniit siunertanut allanut paasissutissanik taamaattunik atuinera, EU-mi naalagaaffimmi ilaasortaasumi aningasaliisarnermik paasiniaasartoqatigiit tunniussisuusut siumungaaq akuersisimanerannik piumasaqaatitaqarpoq.«

8. § 30-ip kingorna kapitali 5-imi ikkunneqarpoq:

»§ 30 a. Euro-nik ingerlaannaq akiliuteqarnernut aamma toqqaannartumik ikisinernut atortutigit aamma niueqatigiinneq eqqarsaatigalugu piumasaqaatit pillugit Europa-Parlament-ip aamma Råd-ip peqqussutaani 260/2012/EU, 14. marts 2012-imeersumi isumasiuusigaasoq, IBAN-ikkut kinaassusersineqartartut akiliisitsinnermut konto-mik imaluunniit bankkonto-mik nakkutigisaqarlutilluunniit pigisaqartut inuit imaluunniit inatsisitigit akisussaasut (Juridiske personer; - inatsisitigit akisussaasut (assers. suliffeqarfiit, kattuffiit il.il.)) tamaasa kinaassusersinissaannik periarfissiisut qitiusumik atortut isumamineertut, aamma (EF) nr. 924/2009-mik peqqussummik allannguneq pillugu, kiisalu taarsigassarsitsisarfimmit Danmark-imi angerlarsimaffeqartumit pigineqartut, boksit aningaasanik ikisiffigisartakkat, pillugit Erhvervsminister-i

maleruagassanik sukumiinerusunik aalajangersaasinnaavoq. Ilaatillugit qitiusumik atortut isumamineertut pisortanit imaluunniit namminersortunit ingerlatarineqarsinnaaneri kiisalu paasisutissat suut takuneqarsinnaassanersut aamma qitiusumik atortutigut isumamineertutigut ujarneqarsinnaassanersut pillugit Minister-i maleruagassanik sukumiinerusunik aalajangersaasinnaavoq.

§ 30 b. Inatsit manna naapertorlugu Kalaallit Nunaanni illuutininik assigisaannillu pigisaqartunik inunnik imaluunniit inatsisitigut akisussaasunik (ass. suliffeqarfinnik) tamanik piffissaq eqqorlugu kinaassusersinissamut periarfissiilluni, Aningaasarsianik malunnarunnaarsaasarneq pillugu Kalaallit Nunaannut Allattoqarfik aamma nuna tamakkerlugu oqartussaasut piginnaasaqartut allat, paasisutissanik takunnissinnaanerat qulakkeerpeqarpoq.«

9. § 31-ip kingorna ikkunneqarpoq:

»§ 31 a. Oqartussaasut taakku, inatsimmik suliffeqarfiup imaluunniit inuup eqqortitsineranik nakkutilliisuusut, nunat peqatigiit avataanniittut nunat annertuumik aarlerinaatillit pillugit Europa-Kommission-ip allattaaviani allassimasumi nunami angerlarsimaffeqartunik, ingerlatseqatigiiffinnik allanit pigineqartunik ingerlatseqatigiiffinnik, immikkoortortaqarfinnik imaluunniit suliffeqarfinit imaluunniit inunnit Kalaallit Nunaanni sinniisoqarfinnik pilersitsinissamut itigartitsinnaavoq.

Imm. 2. Oqartussaasut taakku, inatsimmik suliffeqarfiup imaluunniit inuup eqqortitsineranik nakkutilliisuusut, nunat peqatigiit avataanniittut nunat annertuumik aarlerinaatillit pillugit Europa-Kommission-ip allattaaviani allassimasumi nunami angerlarsimaffeqartunik suliffeqarfinnik aamma inunnik, ingerlatseqatigiiffinnik allanit pigineqartunik ingerlatseqatigiiffinnik, immikkoortortaqarfimmik imaluunniit suliffeqarfiit imaluunniit inuit Kalaallit Nunaanni sinniisoqarfinnik taamaallaat piumasaqaatit immikkut ittut ataanni pilersitsinissanerat pillugu maleruagassanik aalajangersaasinnaapput.

§ 31 b. Inatsimmut ilaatinneqartut suliffeqarfiit aamma inuit, nunat peqatigiit avataanniittumi annertuumik aarlerinaatillit Europa-Kommission-ip allattaaviani allassimasumi nunami (naalagaaffimi) immikkoortortaqarfimmik imaluunniit sinniisoqarfittut allaffeqarfimmik pilersitsinissamik kissaateqartut, tamanna, suliffeqarfiit imaluunniit inuit inatsimmik matuminnga eqqortitsinersut alaatsinaattunut oqartussaasunut, tulliuuttut paasisutissat:

- 1) Nunami sorlermi immikkoortortaqarfik imaluunniit sinniisoqarfittut allaffeqarfik pilersinniarlugu kissaatigineqartoq.
- 2) Immikkoortortaqarfimmi imaluunniit sinniisoqarfittut allaffeqarfimmi, ilaatillugit aqqissuusaanera, aamma ingerlanniakkat pilersaarutigineqartut pillugit paasisutissanik, ingerlanneqartartussanik nassuiaat.
- 3) Immikkoortortaqarfiup imaluunniit sinniisoqarfittut allaffeqarfiup sumiiffittut adresse-ssaa.
- 4) Immikkoortortaqarfiup imaluunniit sinniisoqarfittut allaffeqarfiup siulersuisutut ilaasortaasa aqqi, ilanngullugit nalunaarutigissavaat.

Imm. 2. Taakkua oqartussaasut, suliffeqarfiup imaluunniit inuup, inatsimmik matuminnga eqqortitsineranik alaatsinaattuusut, nunat peqatigiit avataanniittumi annertuumik aarlerinaatillit Europa-Kommission-ip allattaaviani allassimasumi nunami immikkoortortaqarfinnik imaluunniit sinniisoqarfittut allaffeqarfinnik pilersitsinissamut suliffeqarfik imaluunniit inuk inerteqquteqarfigisinnaavaat.

Imm. 3. Taakkua oqartussaasut, suliffeqarfiup imaluunniit inuup, inatsimmik matuminnga eqqortitsineranik alaatsinaattuusut, immikkoortortaqarfik imaluunniit sinniisoqarfittut allaffeqarfik pineqartoq, aningaasanik peqquserluutininik malunnarunnaarsaasarnermik aamma peqqarniisaarniarnermut aningaasalersuineramik pitsaaliuinissamut aqqissuussanik naammanngitsumik pilimmi nunami inissisimaffeqalersinnaanerata, suliffeqarfiup imaluunniit inuup eqqumaffiginninnissaa pillugu maleruagassanik aalajangersaasinnaapput.«

10. § 34-ip kingorna kapitali 6-imi ikkunneqarpoq:

»§ 34 a. FN'ip pineqaatissitaasa allattorsimaffiani allassimasut inuit imaluunniit inatsisitigut akisussaasuusut, eqimattat imaluunniit suleqatigiissit aqqinik tamanut nalunaarutiginninnissamut akisussaasuusumik Erhvervsminister-i oqartussaasumik toqqaasinnaavoq. Aqqit oqartussaasut nittartagaatigut tamanut saqqummiunneqartassapput.

Imm. 2. Imm. 1-i naapertorlugu ateq tamanut nalunaarutigisaasimasooq, EU-Tidende-mi tamanut saqqummiunneqartartumi, Den Europæiske Union-imit atuutilersinneqartumi inatsisitigut pituttuisumik isumaqatigiisummi ateq allanneqarpat, EU-mi inatsisitigut pituttuisumik isumaqatigiisummi taamaattumi ateq allanneqassanngitsoq aalajangiunneqarpat, imaluunniit ateq FN'ip pineqaatissitaasa allattorsimaffianiit peerneqarpat, oqartussaasup nittartagaaniit peerneqassaaq.

Imm. 3. Suliffeqarfik aamma inuk, inatsimmut matumunnga ilaatinneqartut, pisariaqanngitsumik kinguarsagaanngitsumik, imm. 1-i naapertorlugu, qallunaani oqartussaasup nittartagaani aqqit tamanut nalunaarutigineqarsimappata, inunnit imaluunniit inatsisitigut akisussaasunit, eqimattanit imaluunniit suleqatigiisitanit pigineqartunik imaluunniit tiggummineqartunik pigisanik tigusiffigeqqusaajunnaarsitsinissamut pisussaataitaavoq. Inuk imaluunniit inatsisitigut akisussaasoq, eqimattaq imaluunniit

suleqatigiissitaq nittartakkamiit peerneqarpat, pigisanik tigusiffigequsaajunnaarsitsinissamut pisussaataaneq atorunnaassaaq.«

11. § 35-ip kingorna ikkunneqarpoq:

»§ 35 a. § 1, imm. 1, nr. 5, 8 aamma 11-imut ilaatinneqartoq suliffeqarfik imaluunniit inuit, periarfissatullu allatut aningaasaateqarfiit aningaasaliisartut eqqarsaatigalugit aamma nr. 14, 15, 17 aamma 20, sulisorlu imaluunniit siusinnerusukkut sulisuusimasorlu nipangiussisussaataaermik ilanngussatut piomasaaqat pillugu isumaqatigiissuteqarpata, sulisuusoq imaluunniit siusinnerusukkut sulisuusimasoq, manna malillugu atuutilersinneqarsimasunik matuminnga inatsimmik aamma maleruagassanik unioqqutitsinerit imaluunniit unioqqutitsinnaanerit pillugit paasissutissanik, pisortani oqartussaasunut, nalunaaruteqarnissamut periarfissaarutinneqassanngitsoq, isumaqatigiissumi ersissaaq.

Imm. 2. Imm. 1-i apeqqutaatinnagu, sulisuusoq imaluunniit siusinnerusukkut sulisuusimasoq, naak inerteqquteqarneq taamaattoq, suliffeqarfiup aamma inuup akunnerminni isumaqatigiissutaanni ilaagaluartoq, aningaasaliisarnermik inatsisinik unioqqutitsinerit imaluunniit unioqqutitsinnaanerit pillugit paasissutissanik, pisortani oqartussaasunut, nalunaaruteqarnissamut periarfissaarutinneqanngilaq. § 35 malillugu aqqissuussanut nalunaarutiginninnernut taamatutaaq atuuppoq.«

12. Kapitali 10-ip kingorna ikkunneqarpoq:

»Kapitali 10 a

Trust-it (aningaasaateqarfiit fond-itut sananeqaatillit) aamma inatsisitigut aqqissuussat assingusut nunani allani inatsisit naapertorlugit pilersinneqarsimasut

§ 46 a. Trust-imik ingerlatsisuusoq imaluunniit inuk inatsisitigut aqqissuussami assingusumi atorfirmmik assingusumik isumaginnittuusoq, Kalaallit Nunaanni inissiffissimaguni imaluunniit angerlarsimaffeqaruni, ilaatillugit piginnittuut pisinnaatitaaffii pillugit paasissutissat, § 46 c naapertorlugu trust-ip imaluunniit inatsisitigut aqqissuussap assingusup piginnittuut pillugit paasissutissat, ingerlatsisuusup imaluunniit inuup atorfirmmik assingusumik isumaginnittuusup, pissarsiarissavai toqqorsimatissallugillu.

Imm. 2. Trust-imik ingerlatsisuusoq imaluunniit inuk inatsisitigut assingusumi aqqissuussami atorfirmmik assingusumik isumaginnittuusoq, Kalaallit Nunaata EU-llu avataani inissiffissimaguni imaluunniit angerlarsimaffeqaruni, ingerlatsisuusoq imaluunniit inuk atorfirmmik assingusumik isumaginnittuusoq,

- 1) § 2, nr. 3 naapertorlugu trust-ip imaluunniit inatsisitigut assingusumik aqqissuussap aqqani niueqatitaarpat imaluunniit
- 2) trust-ip imaluunniit inatsisitigut assingusumik aqqissuussap aqqani illuutininik pigisanilluunniit allanik pisiaqarpat,
- 3) trust-imik ingerlatsisuusup imaluunniit inuup inatsisitigut aqqissuussami assingusumi atorfirmmik assingusumik isumaginnittuusup, trust-ip imaluunniit inatsisitigut aqqissuussap assingusup piginnittuut pillugit paasissutissat, ilaatillugit piginnittuut pisinnaatitaaffii pillugit paasissutissat, pissarsiarissavai toqqorsimatissallugillu.

Imm. 3. Trust-imik ingerlatsisuusoq imaluunniit inuk inatsisitigut aqqissuussami assingusumi, atorfirmmik assingusumik isumaginnittuusoq, ingerlatsisuusup imaluunniit inuup inatsisitigut aqqissuussami assingusumi, atorfirmmik assingusumik isumaginnittuusup, inuk piginnittuinngorsimasoq ilisimalerniariaruniuk sapinngisamik piaartumik Erhvervsstyrelsen-ip it-system-iani (qarasaasiami aqqissuussaataani) imm. 1-i imaluunniit 2 malillugu paasissutissat nalunaarsussavai. Piginnittuisut pillugit nalunaarsugaasunik paasissutissanik allannguinerit suulluunniit, trust-imik ingerlatsisuusup imaluunniit inuup inatsisitigut aqqissuussami assingusumi, atorfirmmik assingusumik isumaginnittuusup allannguummik ilisimasaqalersimanerata kingorna, sapinngisamik piaarnerpaamik nalunaarsorneqartassapput.

Imm. 4. Trust-imik ingerlatsisuusoq imaluunniit inuk inatsisitigut aqqissuussami assingusumi atorfirmmik assingusumik isumaginnittuusoq, EU-mi nunani ilaasortaasuni assigiinngitsuni inissiffissimalluni imaluunniit angerlarsimaffeqarluni, imaluunniit ingerlatsisuusoq imaluunniit inuk atorfirmmik assingusumik isumaginnittuusoq, EU-mi naalagaaffinni ilaasortaasuni assigiinngitsuni, trust-ip imaluunniit inatsisitigut aqqissuussap assingusup aqqani arlalinnik niueqatitaarpat, nalunaarsugaanermut uppernarsaat imaluunniit EU-mi nunami ilaasortaasumi nalunaarsuivimmiit piginnittuut pillugit paasissutissanik tigulaariffigisaq, Erhvervsstyrelsen-ip it-system-iani trust-ip imaluunniit inatsisitigut aqqissuussap assingusup piginnittuuiinik nalunaarsuinerimut, taarsiullugu atorsinnaavoq.

Imm. 5. Trust-imik ingerlatsisuusup imaluunniit inuk inatsisitigut aqqissuussami assingusumi atorfirmmik assingusumik isumaginnittuusup, trust-imi imaluunniit inatsisitigut aqqissuussami assingusumi piginnittuisut pillugit paasissutissanik nalunaarsugaasunik allannguisoqarsimanersoq akuttunerpaamik ukiumut ataasiarluni misissortassavaa.

Imm. 6. Trust-imik ingerlatsisuusup imaluunniit inuup inatsisitigut aqqissuussami assingusumi atorfirmik assingusumik isumaginnittuusup, trust-imik imaluunniit inatsisitigut aqqissuussamik assingusumik piginnittuiusut pillugit, piginnittuiusutsip uninnerata kingorna ukiuni tallimani, paasissutissanut pissarsiarineqarsimasunut uppersaatitit allakkiat toqqorsimatissavai. Aammattaaq trust-imik ingerlatsisuusup imaluunniit inuup inatsisitigut aqqissuussami assingusumi atorfirmik assingusumik isumaginnittuusup, trust-imik imaluunniit inatsisitigut aqqissuussamik assingusumik piginnittuiusut kinaassusersiniarsarineri pillugit, piginnittuiusut kinaassusersiniarsarinerisa naammassisimanerisa kingorna ukiuni tallimani, paasissutissanut pissarsiarineqarsimasunut uppersaatitit allakkiat toqqorsimatissavai.

Stk. 7. Trust-imik ingerlatsisuusup imaluunniit inuup inatsisitigut aqqissuussami assingusumi atorfirmik assingusumik isumaginnittuusup, qinnuteqartoqarnera malillugu, ilaatillugu ingerlatsisuusup imaluunniit inuup atorfirmik assingusumik isumaginnittuusup, trust-ip imaluunniit inatsisitigut aqqissuussap assingusup piginnittuiinik kinaassusersiniarsarigaluarnera pillugu, trust-ip imaluunniit inatsisitigut aqqissuussap assingusup piginnittuii pillugit paasissutissanik, Aningaasarsianik malunnarunnaarsaasarneq pillugu Kalaallit Nunaanni Allattoqarfimmu tunniussissaaq. Aammattaaq trust-imik ingerlatsisuusup imaluunniit inuup inatsisitigut aqqissuussami assingusumi atorfirmik assingusumik isumaginnittuusup, qinnuteqartoqarnera malillugu, nakkutiginninnissamut- imaluunniit nakkutilliinissamut suliaassanik isumaginninnissamut paasissutissat pisariaqartinneqartut, oqartussaasut taakkua nalilerpassuk, eqqaaneqartut paasissutissat oqartussaasunut piginnaasaqartunut allanut tunniutissavai.

Imm. 8. Aningaasarsianik malunnarunnaarsaasarneq pillugu Kalaallit Nunaanni Allattoqarfiup, aammalu oqartussaasut piginnaasaqartut allat, EU-mi nunani ilaasortaasuni oqartussaasunut piginnaasaqartunut aamma aningaasaliisarneq pillugu paasiniaasartoqatigiinnut, imm. 3 naapertorlugu nalunaarsugaasut imaluunniit imm. 7 naapertorlugu pissarsiarineqarsimasut, piginnittuii pillugit paasissutissat akeqanngitsumik ingerlateqqissinnaavaat.

Imm. 9. Erhvervsstyrelsen-ip it-system-iani, imm. 1-miit 4-mut aamma 6-i naapertorlugit paasissutissat nalunaarsorneqartarnerat, pissarsiarineqarsinnaanerit aammalu tamanut nalunaarutigineqartarnerat, ilaatillugit paasissutissat sorlernik trust-imik ingerlatsisuusup imaluunniit inuup inatsisitigut aqqissuussami assingusumi atorfirmik assingusumik isumaginnittuusup, styrelsen-ip it-system-iani nalunaarsuisarnissaa, pillugit Erhvervsstyrelsen-imi maleruagassanik sukumiinerusunik aalajangersaasoqassaaq.

§ 46 b. Taanna inuk imaluunniit taakkua inuit, toqqaannartumik imaluunniit toqqaannangitsumik trust-imik imaluunniit inatsisitigut aqqissuussamik assingusumik nakkutigisaqartut/aqutaqartut imaluunniit allatut piginnittuussusermut assingusumik piginnaatitaaffeqartut, ilaatillugit

- 1) pilersitsisimasut,
- 2) ingerlatsisuusut imaluunniit inuit atorfirmik assingusumik isumagisaqartut,
- 3) illersuisut, taama ittoqarpat, aamma
- 4) inuit immikkut salliutit imaluunniit inuit trust-ip imaluunniit inatsisitigut aqqissuussap assingusup agguataagaanik iluaquserneqartartut suli trust-imi imaluunniit inatsisitigut aqqissuussami assingusumi ilisimaneqanngippata taanna inunnik eqimattaq, trust-ip imaluunniit inatsisitigut aqqissuussap assingusup pilersinneqarsimaneramik imaluunniit ingerlanneqarneramik pingaarnertut soqutigisalik,

trust-imik imaluunniit inatsisitigut aqqissuussamik assingusumik piginnittuiusutut isigineqarpoq.

§ 46 c. § 46 a naapertorlugu piginnittuii pillugit paasissutissanik pissarsiniartartussaaq, toqqorsimatitsisussaaq aamma nalunaarsuisussaaq, trust-imik ingerlatsisuusooq imaluunniit inuk inatsisitigut aqqissuussami assingusumi atorfirmik assingusumik isumaginnittuusooq, trust-i imaluunniit inatsisitigut aqqissuussaaq assingusooq sinnerlugu niueqatitaartoraangat imaluunniit § 10 naapertorlugu annertussutsinut killigititaasunik qaangiisunik, periarfissatigut nuussigaangat, trust-imik ingerlatsisuusooq imaluunniit inuk atorfirmik assingusumik isumaginnittuusooq, trust-i imaluunniit inatsisitigut aqqissuussaaq assingusooq pillugu nammineq killiffini pillugu piffissarlu eqqorlugu paasissutissanik, inatsit manna malillugu niueqatigisanut/sullitanut ilisimannilerniarnermut periaatsinik ingerlatsisussanik inunnik aamma suliffeqarfinnik tusarliisassaaq.

Imm. 2. Erhvervsstyrelsen-i nalunaarutitik tigusaqaruni, trust-imik imaluunniit inatsisitigut aqqissuussamik piginnittuii pillugit paasissutissanut nalunaarsugaasunut naleqqiullugu § 15 a malillugu naapertuutinngitsoqarnera pillugu Erhvervsstyrelsen-i nalunaarutitik tigusaqaruni, § 46 a, imm. 7, aamma § 46 e, imm. 1-i naapertorlugit pissutsinik misissuinermik Erhvervsstyrelsen-i suliaqassaaq.

Imm. 3. Imm. 2 naapertorlugu misissuinermut ingerlaqatigitillugu Erhvervsstyrelsen-ip nalunaaruteqartoqarnera pillugu nalunaarut Erhvervsstyrelsen-ip it-system-iani tamanut nalunaarutigisinnavaa. Nalunaaruteqartoqarsimanera pillugu nalunaarummik tamanut nalunaaruteqarnerup siunertaa maangaannartinneqassanngippat, tamanna tamanut

nalunaarutigineqartinnagu, nalunaaruteqartoqarsimanera pillugu, ingerlatsisuusoq imaluunniit inuk assingusumik atorfimmik assingusumik isumaginnittuusoq, maalaaruteqarnissamut periarfissaqassaaq.

§ 46 d. Pissutsit nalunaarsorusutat inatsimmi matumani aalajangersakkanik, imaluunniit inatsit manna naapertorlugu aalajangersagaasunik aalajangersakkanik imaluunniit trust-ip imaluunniit inatsisitigut aqqissuussap assingusup malittarisassiaanik naammassinninngippata, nalunaarsuisoqaqqusaanngilaq. Aammattaaq inatsit manna naapertorlugu imaluunniit inatsit manna naapertorlugu aalajangersagaasut aalajangersakkat naapertorlugit, imaluunniit trust-imi imaluunniit inatsisitigut aqqissuussami assingusumi malittarisassat naapertorlugit, nalunaarsuineranut tunngavisuusooq aalajangiineq, pilersimanngippat nalunaarsuisoqaqqusaanngilaq.

Imm. 2. Nalunaaruteqartartoq, Erhvervsstyrelsen-ip it-system-iani pisumik nalunaarsuisoq, imaluunniit tamanna pillugu Erhvervsstyrelsen-ip it-system-iani nalunaaruteqarnissamut nalunaarummik nassiussisoq, nalunaarsuineq imaluunniit nalunaaruteqarneq inatsisit naapertorlugit pisoq, ilaatillugu naammagintartumik fuldmagt-imik piginnaatitaassummik, aammalu nalunaarsuineranut atatillugu uppersaaititit allakkiamik imaluunniit nalunaarummik atuuttumik peqarnera pillugu, qularnaarissaaq.

Imm. 3. Erhvervsstyrelsen-ip it-system-iani tamanut saqqummiunneqartunut imaluunniit, manna inatsit malillugu tamanut saqqummiussassatut il.il., Erhvervsstyrelsen-imut nassiunneqartunut, uppersaaititit allakkianut il.il., imm. 1 aamma 2 taamatuttaaq atuupput.

§ 46 e. Inatsit aamma maleruagassat, inatsit malillugu aalajangersagaasut, aamma trust-ip imaluunniit inatsisitigut aqqissuussap assingusup malittarisassiai malinneqarnersut, isummerfigisinnaajumallugu, Erhvervsstyrelsen-i nalunaarsuineranut oqartussaasusutut, paasissutissat pisariaqartut piomasaaqatigisinnaavai.

Imm. 2. Kapitali manna malillugu aalajangersagaasut maleruagassat malillugit nalunaaruteqarnermi aamma nalunaarsuinermi, Erhvervsstyrelsen-i nalunaarsuineranut oqartussaasusutut, nalunaarsuinermik piffissamiit ukiut pingasut tikillugit, nalunaaruteqarneq imaluunniit nalunaarsuineq inatsisit malillugit ingerlanneqarsimaneranut uppersaaititit allakkianik nassiussisoqarnissaa pillugu piomasaaqateqarsinnaavoq. Oqaaseqatigiit siulliit naapertorlugit piomasaaqatit naammassineqanngippata, Erhvervsstyrelsen-i nalunaarsuineranut oqartussaasusutut, pissutsit iluarsineqarnissaanut, piffissarititamik aalajangersaassaaq.«

13. § 49, imm. 1-imi, oqaaseqatigiit aappaattut ikkunneqarpoq:

»Paasissutissat Finanstilsyn-ip nakkutiginninneranut pingaarteqartut, nammineerussamik aammalu piaarnerpaamik tunniunneqartassapput.«

14. § 49-mi imm. 1-ip kingorna, immikkoortut nutaatut ikkunneqarpoq:

»Imm. 2. Suliffeqarfiit aamma inuit, imm. 1-i malillugu paasissutissanik tunniussisimasut, imaluunniit imm. 7-i malillugu atuutilersinneqartut maleruagassat malillugit suliffeqarfiup imaluunniit inuup tamatuma kingorna tullitutt paasigunikkit:

- 1) Tunniussineranut piffissami paasissutissat eqqorsimanngitsut.
- 2) Paasissutissat kinginnerusukkut eqqortuujunnaarsimasut,
- 3) piaarnerpaamik Finanstilsyn-ip tungaanut paasissutissanik iluarsisallutik pisuussaaffeqarput.«

Imm. 2-miit 5-imut tamatuma kingorna imm. 3-miit 6-imunngussapput.

15. § 49, imm. 5-imi, imm. 6-inngortumi, »4« allanngortinneqarpoq imaalillugu: »5«.

16. § 49-mi imm. 7-itut ikkunneqarpoq:

»Imm. 7. Matumunnga inatsimmut ilaatinneqartunik suliffeqarfinnik aamma inunnik aarlerinaateqartut Finanstilsyn-ip naliliiviginninnissaanut atugassanik pisariaqartunik paasissutissanik nalunaaruteqartarneq pillugu Finanstilsyn-i maleruagassanik sukumiinerusunik aalajangersaasinnaavoq.«

17. § 51 a-p kingorna ikkunneqarpoq:

»§ 51 b.

§ 1, imm. 1, nr. 1-8, 10, 11, 19, 23 aamma 24-imut ilaatinneqartoq suliffeqarfik imaluunniit inuk, matumani inatsimmi aalajangersakkanik, imaluunniit matumunnga atuutilersitanik maleruagassanik, ilungersunartumik unioqqutitsisoqartarneranik paasisaqartoqarsimatillugu, suliffeqarfik imaluunniit inuk taamaattoqarallarnerani nutaanik sullitartaartoqqaanngitsoq, Finanstilsyn-ip peqqusiffigisinnaavaa. Suliffeqarfiup nunani allani immikkoortortaqarfiani tamakkiisumik imaluunniit ilaannakortumik unioqqutitsisarsimaneq pisarsimappat, peqqusissut immikkoortortaqarfimmik ilaqartissallugu annertusineqarsinnaavoq.

Imm. 2. Unioqqutitsisarneq unittoq Suliffeqarfiup imaluunniit inuup Finanstilsyn-imut allakkiatigut uppersarsinnaappagu, imm. 1-i malillugu peqqusissut unissaaq.«

19. (Kalaallit Nunaannut atuutilersinneqassanngilaq)

20. § 78, *imm. 1, oqaaseqatigiit aappaanni*, »§ 6, *imm. 1, oqaaseqatigiit aappat*,«-p kingorna ikkunneqarpoq: »§ 6 a,«, »§ 17, *imm. 1 aamma 2« imaalillugu: »§ 17, imm. 1-4« allanngortinneqarpoq, »§ 25, imm. 1 aamma 2« imaalillugu: »§ 25, imm. 1-3« allanngortinneqarpoq, »§ 29, imm. 2« imaalillugu: »§ 29, imm. 4 aamma 6« allanngortinneqarpoq, »aamma 31,«-ip kingornagut: »§ 31 b, *imm. 1,« ikkunneqarpoq, »§ 35, imm. 1,« -ip kingornagut: »§ 35 a, imm. 1,« ikkunneqarpoq, »§ 36, imm. 1 aamma 2,«-p kingornagut: »§ 36 a,« ikkunneqarpoq, aamma »§ 48, imm. 1« imaalillugu: »§ 48, imm. 1 aamma 2« allanngortinneqarpoq.**

21. § 78, *imm. 2-mi*, »§ 17, *stk. 1 og 2« imaalillugu: »§ 17, stk. 1-4« allanngortinneqarpoq, »oqaaseqatigiit siulliit, aamma« imaalillugu: »oqaaseqatigiit siulliit,« allanngortinneqarpoq, »40« imaalillugu: »40 aamma § 49, imm. 2,« allanngortinneqarpoq.*

22. § 78-ip kingorna ikkunneqarpoq:

»§ **78 a.** § 7, *imm. 1-imik imaluunniit 2-mik, § 8, imm. 1-4-mik imaluunniit 6-imik, § 9, imm. 1 imaluunniit 2-mik, § 10, § 11, imm. 1-imik imaluunniit 2-mik imaluunniit imm. 3, oqaaseqatigiit siulliannik, pingajuinik imaluunniit sisamaannik, § 12, § 14, imm. 1-imik, imm. 2, oqaaseqatigiit aappaannik, imm. 3-mik, imm. 4, oqaaseqatigiit aappaannik, imaluunniit imm. 5-imik, § 15, § 17, imm. 1-imik imaluunniit 2-mik, § 18, imm. 1-6-imik, § 19, § 20, § 22, imm. 2-mik imaluunniit 3-mik, § 24, imm. 1, oqaaseqatigiit aappaannik, imaluunniit imm. 2-mik imaluunniit 3-mik, § 25, imm. 1-imik imaluunniit 2-mik, § 26, imm. 1-imik imaluunniit 3-mik imaluunniit imm. 4, oqaaseqatigiit siulliannik, §§ 30-imik, 31-mik, 40-mik imaluunniit 43-mik imaluunniit § 48, imm. 1-imik unioqqutitsineq, akiliisitsinermut annertunerusumik nassataqassanngitsoq naatsorsuutigineqarpat, taanna inuk imaluunniit inatsisitigut akisussaasoq (ass. suliffeqarfik), unioqqutitsisuusimasoq, unioqqutitsinermut pisuusutut nassueruteqarpat, aammalu sukumiinerusumik piffissarititaasup allaatigineqarsimasup iluani akileeqqusissummi allanneqarsimasutut akileeqqusissut akilerumallugu, piareersimasutut nalunaarpat, suliaq eqqartuussinertaqanngitsumik aalajangiivigineqarsinnaasoq, Finanstilsyn-ip akileeqqusissummi ersersissinnaavaa, taamaattoq takujuk imm. 2.*

Imm. 2. Unioqqutitsisimaneq naatsorsuinertalimmik naliliinissamut pissutissaqartitsisoq, imaluunniit akiliisitsissutip annertussianut aallaaviusoq saneqqunneqassasoq, Finanstilsyn-ip naliliinerippagu, eqqartuussinertaqanngitsumik akileeqqusissummik atuutilersitsitinnani, Immikkut Ittunik Aningaasaqarnermut aamma Nunani tamalaani Pinerlunniarnernut Naalagaaffiup eqqartuussissuserisuaniiit akuersissummik Finanstilsyn-i pissarsereersimassaaq.

Imm. 3. Unnerluussutip allagartaata imarisaanut piumasaqaat pillugu aamma unnerluutigineqartup oqaaseqartussaataanniginnera pillugu eqqartuussisarneq pillugu inatsimmi maleruagassat, imm. 1-i malillugu akileeqqusissummut, taamatuttaaq atuupput.

Imm. 4. Akileeqqusissut atuutilersinneqarpat, malersueqqinnissaq atorunnaarsinneqassaaq. Atuutilersitsineq eqqartuussutitut sunniuteqarpoq.«

24. § 80, *imm. 1-imi*, »4« allanngortinneqarpoq imaalillugu: »5«.

25. § 80-imi *imm. 6-itut* ikkunneqarpoq:

»*Imm. 6.* Suliffeqarfiup imaluunniit inuup pisussaaffitik, § 29, imm. 4 malillugu akisussaaffigisatik, naammassinngippagit, Aningaasarsianik malunnarunnaarsaasarneq pillugu Kalaallit Nunaanni Allattoqarfiup, pinngitsaaliissutitut inuk, suliffeqarfik imaluunniit suliffeqarfimmu akisussaasuusut inuit, ullormut imaluunniit sapaatit akunnikkaartumik pinngitsaaliissutitut akiliisitsissutinik peqqusissuteqarfigisarsinnaavai.«

§ 2

Imm. 1. Peqqussut ulloq [ulloq] atuutilersinneqassaaq

Marselisborg Slot-imi tunniunneqarpo, ulloq
Kunngisut Atsiorpugut Naqissusiillutalu

MARGRETHE R.

/ [Minister-ip aqqa ikkunneqassaaq]